

Diagnostic test sinovlarini o'tkazish xizmatini bajarish to'g'risida ommaviy oferta shartnomasi

Ushbu hujjat O'zbekiston Respublikasi Oliy ta'lim, fan va innovatsiyalar vazirligi huzuridagi Bilim va malakalarni baholash agentligi (bundan buyon matnda Ijrochi deb yuritiladi) rasmiy taklifi (ommaviy oferta) bo'lib, diagnostik test sinovlarini o'tkazish xizmatini bajarish bo'yicha barcha zarur shartlarni o'z ichiga oladi.

O'zbekiston Respublikasi Fuqarolik Kodeksining 370-moddasi 4-bandiga muvofiq, Ofertada keltirilgan shartlarni qabul qilish va xizmat uchun haq to'lash orqali jismoniy yoki yuridik shaxs ushbu taklifni qabul qilganligini tasdiqlaydi hamda Buyurtmachi bo'lib hisoblanadi (bundan buyon matnda Buyurtmachi deb yuritiladi), Ijrochi va Buyurtmachi birgalikda shartnomaning taraflari hisoblanadi (bundan buyon matnda Taraflar deb yuritiladi).

Shartnomada qo'llanilgan atamalar

Oferta — Bir yoki bir necha muayyan shaxsga yuborilgan, yetarli darajada aniq bo'lgan va taklifni kiritgan shaxsning o'zini taklif yo'llangan va uni qabul qiladigan shaxs bilan shartnoma tuzgan deb hisoblash niyatini ifoda etadigan taklif.

Aksept — Buyurtmachining ofertani to'liq va pisandasiz qabul qilganligi haqidagi javobi bo'lib, taraflar tomonidan shartnomaning yozma nusxasini imzolamasdan shartnoma tuziladi. Shartnomani ofertada ko'rsatilgan shartlardan boshqacha shartlar asosida tuzish to'g'risidagi javob aksept hisoblanmaydi.

Diagnostic test sinovlari — O'zbekiston Respublikasi oliy ta'lim muassasalariga kirish imtihonlari sinov testlarini o'tkazish bo'yicha xizmat turi.

Avtorizatsiya ma'lumotlari — Buyurtmachini aniqlash va uning hisobiga uchinchi shaxslar tomonidan ruxsatsiz kirishdan himoya qiluvchi login (noyob identifikator) va parol (belgilar to'plami) dan iborat saytga kirish va xizmatdan foydalanish uchun zarur bo'lgan ma'lumotlar.

Buyurtmachi — **my.uzbmb.uz** saytida ro'yxatdan o'tgan jismoniy yoki yuridik shaxs.

my.uzbmb.uz rasmiy saytida ro'yxatdan o'tish — mazkur shartnoma shartlari asosida xizmatdan foydalanish uchun saytga kirish maqsadida ro'yxatdan o'tish.

1. Shartnoma predmeti

- 1.1 Shartnoma predmeti bo'lib, Ijrochi tomonidan Buyurtmachiga uning talabnomasi asosida diagnostik test sinovi o'tkazish xizmatini bajarish hisoblanadi.
- 1.2 Diagnostik test sinovlarini o'tkazish xizmati test sinovi materiallarini taqdim etish hamda maxsus dasturiy ta'minot orqali test sinovi natijalarini tekshirishni qamrab oladi.
- 1.3 Ijrochining imkoniyatidan kelib chiqib, diagnostik test sinovlari Buyurtmachiga tashkillashtirilgan holda o'tkazib berilishi mumkin.
- 1.4 Har bir komplekt test topshiriqlari kitobchasi hamda javoblar varaqasidan iborat.

2. Xizmatni bajarish tartibi

- 2.1. Buyurtmachi arizada ko'rsatilgan ma'lumotlarni to'ldirgan holda **my.uzbmb.uz**, saytida ro'yxatdan o'tadi.
- 2.2. Ro'yxatdan o'tgach, ofertani akseptlagandan so'ng xizmatga haq to'lash uchun invoys taqdim etiladi.
- 2.3. Invoys to'langandan keyin Buyurtmachiga test sinovi ma'lumotlari aks etgan Ruxsatnoma taqdim etiladi.
- 2.4. Test sinovi natijalari e'lon qilingandan so'ng xizmat bajarilgan hisoblanadi.

- 2.5.Navbatdagi diagnostik test sinovida ishtirok etish uchun Buyurtmachi sayt orqali keyingi talabnomani to'ldirib, inyoysni to'lagandan so'ng, unga test sinovi ma'lumotlari aks etgan navbatdagi Ruxsatnoma taqdim etiladi.

3.Buyurtmachining huquq va majburiyatlari

3.1. Buyurtmachi quyidagi huquqlarga ega:

- 3.1.1. Ijrochiga xizmatdan foydalanish bo'yicha har qanday savol bilan info@uzbmb.uz elektron manzili yoki 71 235-19-14 telefon raqami orqali murojaat qilish;
- 3.1.2. Ijrochiga xizmatni yaxshilash bo'yicha takliflar berish. Taklif va arizalar bilan info@uzbmb.uz elektron manziliga murojaat qilish.
- 3.1.3. O'zbekiston Respublikasi qonun hujjatlarida belgilab qo'yilgan boshqa huquqlardan foydalanish.

3.2. Buyurtmachi quyidagi majburiyatlarga ega:

- 3.2.1. my.uzbmb.uz saytida ro'yxatdan o'tish;
- 3.2.2. Ro'yxatdan o'tish paytida Oferta bilan tanishish va uni qabul qilish;
- 3.1.1.Mazkur shartnomaning 7-bo'limida belgilangan tartib va shartlarda xizmat uchun haq to'lash;
- 3.1.2.Ijrochining saytida ro'yxatdan o'tish, ariza shaklini to'ldirish va test sinovlari jarayonidagi talablarini sidqidildan va vijdonan bajarish, bunda diagnostik test sinovida bir necha marotaba qatnashganda savollar kitobi takrorlanib kelishi ehtimoli mavjudligi tan olinadi va bunga e'tiroz bildirilmaydi.

4.Ijrochining huquq va majburiyatlari

4.1. Ijrochi quyidagi huquqlarga ega:

- 4.1.1. Mazkur shartnoma bo'yicha majburiyatlarning o'z vaqtida va lozim darajada bajarilishini talab qilish;
- 4.1.2. Buyurtmachi tomonidan shartnoma shartlariga rioya qilinmagan taqdirda xizmat ko'rsatishni to'xtatib turish;
- 4.1.3. Test sinovlari materiallarining bir komplektini buyurtma tushgach 15 ish kunidan keyin taqdim etish;
- 4.1.4. Buyurtmachini o'zgartirishlar kuchga kirishidan 10 ish kuni avval ogohlantirgan holda mazkur shartnoma shartlariga o'zgartirish kiritish.

4.2. Ijrochining majburiyatlari:

- 4.2.1. Mazkur shartnomada ko'rsatilgan tartib va shartlarga rioya qilgan holda xizmat ko'rsatish;
- 4.2.2. Buyurtmachining taklif va shikoyatlarini o'z vaqtida ko'rib chiqish.

5.Xizmat uchun haq to'lash miqdori va tartibi

- 5.1. Ushbu xizmat uchun haq to'lash miqdori 100% oldindan to'lov sharti bilan bir komplekt uchun 20000 (yigirma ming) so'm miqdorida tashkil etadi.
- 5.2. Buyurtmachi – jismoniy shaxs quyidagi usullar orqali xizmat xaqini to'lashga haqli:
- 5.3. my.uzbmb.uz saytida ko'rsatilgan to'lov tizimlaridan foydalangan holda Buyurtmachining bank kartasi orqali;
- 5.4. my.uzbmb.uz saytida joylashtirilgan to'lov topshiriqnomasi orqali.
- 5.5. Ijrochining hisob raqamiga pul mablag'lari kelib tushgan sana to'lov amalga oshirilgan sana bo'lib hisoblanadi.
- 5.6. O'zbekiston Respublikasi Fuqarolik Kodeksining 705-moddasiga binoan, buyurtmachi aybi bilan ko'rsatilmagan xizmatlar uchun to'langan to'lov, shuningdek, buyurtmachilar xizmatlarni taqdim etish boshlanganidan keyin rad etilgan taqdirda, to'lovlar qaytarilmaydi. Boshqa barcha holatlarda, xizmatlar narxini to'liq yoki qisman qaytarish Ijrochi tomonidan asosli deb e'tirof etilgan Buyurtmachining yozma arizasi yoki qonuniy kuchga kirgan sud qarori asosida amalga oshiriladi.

6.Nizolarni hal etish tartibi va taraflarning javobgarligi

- 6.1. Taraflar o'rtasida yuzaga kelgan kelishmovchilik va nizolar muzokaralar orqali hal etiladi.
- 6.2. Agar Taraflar o'zaro maqbul yechimni topa olmasalar, Tomonlar nizoni hal qilish uchun javobgar joylashgan joydagi sud organlariga murojaat qilishadi.

- 6.3. Ushbu Shartnoma bo'yicha majburiyatlar bajarilmagan yoki lozim darajada bajarilmagan taqdirda, Taraflar O'zbekiston Respublikasi qonun hujjatlarida nazarda tutilgan javobgarlikka tortiladilar.

7.Fors-major

- 7.1. Taraflar o'zlarining irodasi va faoliyatlariga bog'liq bo'lmagan tabiat hodisalari yoki ijtimoiy-iqtisodiy holatlar sababli yuzaga kelgan sharoitlarda tomonlarga qabul qilingan majburiyatlarni bajarish imkonini bermaydigan favqulodda, oldini olib bo'lmaydigan va kutilmagan holatlar oqibatida shartnoma shartlarini bajarmaganligi yoki lozim darajada bajarmaganligini isbotlab bergan taqdirda, Taraflar mazkur shartnoma shartlarini bajarmagan yoki lozim darajada bajarmaganligi uchun javobgarlikdan ozod etiladi.
- 7.2. Ushbu Shartnomaning 7.1-bandida ko'rsatilgan har qanday holatlarga ishora qiluvchi Taraf zudlik bilan, lekin yengib bo'lmay kuchlar holati yuzaga kelgan kundan boshlab 5 (besh) ish kunidan kechiktirmay boshqa Tarafni ushbu holatlarning boshlanishi va tugatilishi to'g'risida yozma ravishda xabardor qilishi shart.
- 7.3. Agar fors-major holatlariga duch kelgan va boshqa Tarafni 7.2-bandida ko'rsatilgan tartib va muddatda ushbu holat to'g'risida xabardor qilmagan yoki ogohlantirmagan taraf ushbu Shartnomaning majburiyati buzilganligi uchun javobgarlikdan ozod qilinmaydi.

8.Shartnoma muddati va uni bekor qilish tartibi

- 8.1. Ushbu shartnoma Buyurtmachi tomonidan akseptlangan vaqtdan kuchga kiradi (2.5. b.) va Ijrochi tomonidan o'z majburiyatlari bajarilgan vaqtgacha amal qiladi.

9.Boshqa shartlar

- 9.1. Buyurtmachi Shartnoma shartlariga roziligini "Shartnoma shartlarini qabul qilish" tugmasini bosish orqali bildiradi.
- 9.2. Taraflar ushbu shartnomani tuzish va ijro etish uchun zarur huquq layoqati, shuningdek, barcha huquq va vakolatlarga ega ekanligini kafolatlaydi.

O'zbekiston Respublikasining 2019 yil 2 iyuldagi "Shaxsga doir ma'lumotlar to'g'risida" O'RQ-547-son Qonuni talablari doirasida shaxsga doir ma'lumotlardan foydalanishga va ishlov berishga rozilik bildiraman. Diagnostik test sinovlarida ikki va undan ortiq marotaba qatnashganda savollar kitobi takroran tushishi ehtimoli mavjudligini tan olaman va bunga e'tirozim yo'qligini bildiraman.